



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

De S. Theresia.

---

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

Quare sub Fescennio præfecto virgis cæsus, craticulæ subjecto igne impositus, tandem multatus est capite, quod abscissum sustulisse, & ad duo millia passuum manibus gestasse dicitur. O si hunc zelum imitareris quoad licet! ô si nullos labores reformidares cum Dei gloria id postulat! ô si omnes ad Dei amorem qua verbis, qua scriptis excitares! *Qui ad iustitiam e-* Dan. 12.  
*rudiunt multos, fulgebunt quasi stelle in perpe-* 21.  
*tuas aternitates.*

## DE SANCTA THERESIA. 15. Oct.

## PUNCTUM PRIMUM.

**C**onsidera, quomodo Deus cor Theresiæ ad vulnus charitatis disposuerit. In solitudinem religionis eam duxit, ne posset mundus tam pretiosam plagam impedire. Illam incendit desiderio veræ sanctitatis, quæ consistit in charitate: ut ipsa ultro pectus suum vulnere charitatis exponeret. Illam excitavit ad severam mortificationem, ut ejus cor jam subactum pœnitentiis & mollium minus telo charitatis resisteret. Illam denique purgavit ab affectu minimo creaturarum, ut in ejus corde amplissimus vulnere charitatis locus esset. O aptam ad vulnus charitatis dispositionem! Sed eodem modo disponere te debes, si vis & ipse charitate vulnerari,

Disposi-  
tiones  
ad vul-  
nus cha-  
ritatis.

PUN-

## PUNCTUM II.

Vulneris  
dimen-  
siones.

1.  
Subli-  
mitas.

2.  
Profun-  
ditas.

3.  
Longi-  
tudo.

4.  
Latitu-  
do.

**C**onsidera dimensiones sacri vulneris, quo Theresiæ cor tam bene dispositum Deus sauciavit. 1. Altitudinem, in sublimitate orationis, per quam erectus in Deum ejus animus corpus etiam suum sæpe rapiebat : in ardore martyrii tam incenso, ut paterna domo relicta, in Africam ea spe trajecerit : in excellentissimo voto, quo Deo promisit se quidquid perfectius esset, reliqua facturam. 2. Profunditatem in humiliationibus, gravissimis corporis afflictationibus, ariditate ac desolatione 18. annorum tanta ut aliquando à Deo derelicta prope videretur. 3. Longitudinem, in admirabili amoris constantia inter tot languores, & assidua cum Deo unione inter tam multa tamque gravia negoria. 4. Latitudinem, qua omne genus hominum in Deo complectebatur : viros Apostolicos quos reverebatur & orationibus tum suis tum sui Ordinis continuis juvabat : peccatores, hæreticos, & infideles, quorum conversionem macerationibus preeibūque sæpe à Deo impetravit : animas purgatorio detentas, quas crebro liberavit : iisque de causis Religiosum utriusque sexus Ordinem instituit. O si aliqua saltem ex parte sic vulnereris ! Expende quod ipsa scripsit, revelatum sibi à Deo fuisse certum in inferis locum, ad quem detruenda erat, si creaturis, ut cæperat, addicta ad summam perfectionem non contendisset.

PUN-

## PUNCTUM III.

**C**onsidera voluptatem magnitudini vulneris  
 respondentem. 1. Altitudinem, in delicijs, Volup-  
 quas ex conjunctione cum amantissimo spon- tatis ex  
 so percipiebat tam exquisitas, ut & amara hæc vulnere  
 vita esset, & suavissimam mortem, quod de- dimen-  
 mum contigit, viderentur allaturæ. Cogita siones.  
 quàm cœlestem voluptatem senserit, cum eam 1.  
 Seraphinus ignito jaculo vulneravit, & Christus Altitudo  
 in sponsam elegit. 2. Profunditatem, ex sua- 2.  
 vitate mortificationum, *Aut pati*, inquebat, Profun-  
*aut mori*. 3. Longitudinem, quæ ad totam vi- ditas.  
 tam in fructum diuturnarum desolationum ju- 3.  
 giter propagata est, ut in æterna beatitudine Longi-  
 consummaretur. 4. Latitudinem, ex gaudio tudo.  
 quod oriebatur tum ex Dei gloria, quam ipsa, 4.  
 ejus Ordo, viri omnes boni procurarent, tum Latitudo  
 ex Dei voluntate cujus aspectu suavissimè in o-  
 mnibus etiam adversis acquiescebat. *Gustate & ps. 33.*  
*videte quoniam suavis est Dominus.* Sed ante 19.  
 charitatis vulnus suavitas illa vix gustatur.

## DE SANCTO LUCA.

18. Oct.

## PUNCTUM PRIMUM.

**M**ultis quidem naturæ dotibus S. Lucam Mariæ,  
 Deus ornaverat. Accedebat ad nobilita- disci-  
 tem opesque paternas litterarum Græcarum, pulus,  
 Latinarum, Hebraicarum, & Ægyptiarum, pin-  
 gendique & medicinæ scientia. Sed quod  
 hæc